



REPUBLIKA E SHQIPËRISË  
AGJENCIA E SIGURIMIT TË CILËSISË NË ARSIMIN E LARTË  
BORDI I AKREDITIMIT

VENDIM

Nr. 47, datë 19.11.2021

PËR  
AKREDITIMIN E PARË TË PROGRAMIT TË STUDIMIT TË CIKLIT TË PARË  
BACHELOR NË “MENAXHIM TURIZMI”, TË UNIVERSITETIT “ISMAIL QEMALI”,  
VLORË

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 19.11.2021, në kuadër të vendimmarrjes për akreditimin e parë të programit të studimit të ciklit të parë, Bachelor në “**Menaxhim Turizmi**”, me të dhënat si më poshtë:

- a) Emërtimi i programit: Bachelor në “**Menaxhim Turizmi**”
- b) Cikli i studimit: Cikli i parë
- c) Akti zyrtar i hapjes/licensimit: Vendim i Këshillit të Ministrave Nr. 121, 105, datë 28. 02. 1994, riorganizuar me shkresë të Këshillit të Fakultetit Nr. 22. 07. 2009
- d) Institucioni që e ofron: Universiteti “Ismail Qemali”, Vlorë
- e) Njësia bazë përgjegjëse: Departamenti i Biznesit
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti “Ismail Qemali”, Vlorë
- j) Niveli i diplomës në kuadrin e Kornizës Shqiptare të Kualifikimeve: Niveli 6

**pasi mori në shqyrtim:**

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

**konstaton se:**

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimit të ciklit të parë “Bachelor”*” dhe cilësinë e ofertës akademike të programit të studimit është **“i përmbush pjesërisht standardet”**, me mangësitë si më poshtë:
  1. Mungesa në planin mësimor e moduleve që lidhen me thellimin e njohurive në aspektin praktik të menaxhimit të aktiviteteve të turizmit, sidomos atij lokal, që do të plotësonin nevojat e kohës në zhvillimin e turizmit.
  2. Mungesa e bashkëpunimeve alternative për krijimin e lidhjeve më efektive me sipërmarrësit e fushës së turizmit dhe vendimmarrësit lokalë, për punësimin e studentëve të programit si dhe për sigurimin e feedback-ut të rëndësishëm për përmirësimin e vazhdueshëm të programit të studimit, sipas kërkesave bashkëkohore të zhvillimit të qëndrueshëm të turizmit.
  3. Mungesa e diversifikimit të mekanizmave për sigurimin e brendshëm të cilësisë, sikurse parashikohet në Statutin e institucionit.
  4. Mungesa e zhvillimit të provimeve në mënyrë anonime, me sekretim ose kodifikim.
  5. Kushtet infrastrukturore fizike dhe të teknologjisë në shërbim të mësimdhënies në auditore nuk janë të përshtatshëm.
  6. Literatura në funksion të këtij programi studimi, nuk është e përditësuar me botime të viteve të fundit.







*Mbështetur mbi rezultatet dhe arsyetimin e mësipërm, Bordi i Akreditimit,*

## VENDOSI:


1. Vlerësimin përfundimtar **POZITIV** për programin e studimit **Bachelor** në “**Menaxhim Turizmi**”, të **Universitetit “Ismail Qemali”, Vlorë**, me rekomandimet sipas shtojcës së këtij vendimi.
2. **Akreditimin** e programit të studimit me kohëzgjatjen prej **3 (tre)** vite.
3. Afati përfundimtar i vlefshmërisë së akreditimit të programit të studimit është **30/09/2024**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

## BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar

DARINKA PIQANI



Anëtar

DRITAN NAÇE



Anëtar

INDRIT HOXHA



Anëtar

**Shënim:** Znj. Lea Ypi nuk mori pjesë në këtë mbledhje.

## Shtojca

Rekomandimet në zbatim të vendimit të Bordit të Akreditimit Nr. 47, datë 19.11.2021, “Për akreditimin e parë të programit të studimit **Bachelor në “Menaxhim Turizmi”**”, të Universitetit “Ismail Qemali”, Vlorë, janë si vijon:

1. Institucioni, të përfshijë në planin mësimor module që lidhen me thellimin e njohurive në aspektin praktik të menaxhimit të aktiviteteve të turizmit, sidomos atij lokal, që do të plotësonin nevojat e kohës në zhvillimin e turizmit.
2. Institucioni, të rrisë bashkëpunimet alternative për krijimin e lidhjeve më efektive me sipërmarrësit e fushës së turizmit dhe vendimmarrësit lokalë, për punësimin e studentëve të programit si dhe për sigurimin e feedback-ut të rëndësishëm për përmirësimin e vazhdueshëm të programit të studimit, sipas kërkesave bashkëkohore të zhvillimit të qëndrueshëm të turizmit.
3. Institucioni, të diversifikojë mekanizmat për sigurimin e brendshëm të cilësisë, sikurse parashikohet në Statutin e tij.
4. Institucioni, të mundësojë zhvillimin e provimeve në mënyrë anonime, me sekretim ose kodifikim.
5. Institucioni, të përmirësojë kushtet infrastrukture fizike dhe didaktike, në auditore, në shërbim të mësimdhënies.
6. Institucioni, të përditësojë literaturën e përdorur në këtë program studimi duke përfshirë tituj të paktën të 5 viteve të fundit.
7. Institucioni, të sigurohet që studentët e këtij programi studimi të njihen me kriteret e vlerësimit të provimit e të zhvillimit të programit, që në fillim të zhvillimit të lëndëve të këtij programi studimi.
8. Institucioni, brenda hapësirave ligjore dhe nënligjore, në vitet e ardhshme të shohë mundësinë e zëvendësimit/ndryshimit në kurrikulën e programit të studimit të 2 deri 3 lëndëve (të përmendura në raport).
9. Institucioni, të nxisë stafin dhe studentët drejt publikimit të studimeve/punimeve me fokus zhvillimin e turizmit në rajon.

Në përmbushje të rekomandimeve të mësipërme, **Universiteti “Ismail Qemali”, Vlorë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

